





內閣文庫
漢書類
三六八〇
三四冊

漢書門
三六八〇
三四冊

內閣文庫			
番號	漢	3680	
冊數	4 (2)		
函號	314	150	





小倉山房外集卷三

漢章文

錢唐袁枚子才

尹公七旬生辰授文華殿大學士序

夫三公為保傅之官非高年則不能副望七十是從心

之目許坐論而愈覺雍容是以尚父受璜皤皤黃髮叔

孫突秀秩秩大猷龍蓄九鼎之系試鈎石之能勝也瓦

斜太廟之風苦陰陽之未變也其才難燧人刻矩以奚

覓其任補義相浴日而彌光乃若朝扶玉杖為

君至賜燕而來一帝取金甌作臣子稱觴之用則我望

山相公吉霽聞焉公旌車望族程鼓聲名觀書石棠生

花旗節南滇西陝化洽行春東部西雷風澄坐嘯阿士

古山房

卷三

一

行八州兼督偏江左之功深唐休景萬里在胸尤河湟
 之路熟雖出入三省綸扉久許其參知奈遲却十年倉
 生欲問而不敢今年公七旬生辰奉 詔先期赴闕時
 則青旂引道翠柳扶輪一路香焚齊獻紫霞介壽九重
 天笑早開黃閣迎公丹禁宣麻堂封受饌進張蒼為計
 相兼可引年取劉瑑之歷書不須擇日 詔補文華殿
 大學士百官賀于道黎幹減騶回夷聞其名契丹拱手
 公到先人批勅處記少年珥筆時得毋有延年避位之
 思劉向重來之感乎四月八日 天子賜壽筵于帝王
 公以下奉 勅躋堂是日也朱轂塵霄華觴錦畫當晏
 溫之膏敘頒少內之裊蹠聽遷哲之鳴笳張祭遵之御

蓋撤來仙樂簫韶傳闕苑之音捧出蟠桃帝子拭金華
 之露三貂故吏數亥字添籌八座門生赴午橋沃爵雖
 蓬萊仙雜難從散錄徵名而高密兒多正可分班應客
 在昔王道之鼓吹十部李穆之家笏百人史冊所夸方
 斯蔑矣且夫祝公之相者公論也望公之來者私情也
 倘溫嶠內召罷領丹陽寇恂還朝遠辭河內公歸太促
 民借難禁 天子知之命仍督兩江南巡後入閣俾作
 霖雨將洒道以逐 鑾輿如彼重星且含光而照吳越
 念長途之晬暑衣賜吹綸將比德于瓊瑤筐頌瑞玉都
 梁十合賞黃花晚節之香如意一枝表魚水同心之樂
 枚空山耳冷傳盛事者如麻得信心開覩中台之晚耀

自憐小謫非瑤池與燕之人且喜升堂是絲竹傳經之
客猶記祝公太董遠托小舟觴我黃樓同吟紅藥貞期
可卜驚逝者之如斯靈旣自甄信後來之居上所願
鏡百職陳揆五行生物協后土之功稽古應同天之號
飲九乾之湛露勝服丹砂覆萬國以卿雲都無天札將
見黃銀帶重靈壽杖高跨汪氏之龍魚薄陵陽之丹河
羅侯城下百歲尚擁于旌楊氏門中四裔俱爲太尉

孫小玫簪花圖序

姑蘇承蓮女子有孫小玫焉牽舟作屋家傳榜柁之歌
以水爲家偷照龍宮之鏡黃玉志鼻金訶貼胸驅環明
指骨之清瓊葉補眉痕之缺凡細君琴學茂猗楷書盧
媚娘之經繡法華張靜婉之箏彈銀甲靡不手操成竹
思若流波于是名聲大噪於人色態出乎其類夷光過
則金錢滿市蓮香出而蜂蝶爭隨初七下九三挑迷蕩
子之魂楚尾吳頭兩槳費中人之產洵廝波之光妓洛
浦之莊姝也已爾乃抽觴自愛擁髻恆啼黃藥生春早
知心苦紅蕖出水偏惱泥污想解佩以誰投每留花而
不發則有韓郎者吳中之高才生也橫塘借問本是同

鄉泛宅相從竟成古耦奔精照夜含菱莢以俟風驚女
 采薇看文魚之警乘解拋家之髻戴奉聖之巾自謂柳
 毅不歸與龍同老韓終既嫁煉藥長生矣亡何生受妖
 夫之曳占微纆之爻地市錢空天牢星逼先是小玫嘗
 語生曰若人侈口蹙頤過顛涿視殆非佳士夫子覺者
 也盍遠之乎生初允豫至是方警服焉嗟乎眼中有鐵
 乃在娛光渺視之人裙下生雲竟為別鳳離鸞之兆鸞
 方瑟縮繭豈同功鳥號流離棲難並翼于是小玫唾荆
 軻之耳中履士會之足下腰無一尺淚有千行置酒湖
 上捧觴屬曰生也有涯別如小死君趣辦裝妾敢不瑗
 請前乎然而遊仙枕斷記事珠存他日補春餘之墜歡

尋邊掠之晚景盼蕩子之長信寄仙人之短書絳蠟分
 明應知此意取琴鼓歸風送遠之章琴舟竟別當是時
 也壺中紅淚彈罷燈涼江上青峯曲終人去目雖窮于
 楚澤翻若驚鴻腸方繞于吳門恍如覆鹿水波為之於
 邑飛鳥過而徘徊韓亦無如何也今者長卿遊倦駟馬
 人歸崔護重來桃花門鎖念娟娟之此豸似隔千年盼
 粥粥之羣雌竟無一可錦裙只六記存笠澤書中約指
 一雙詩在繁欽集上龍工可往將褰裳以何從柔妙焉
 歸問遊鱗而不答繫空篔則繁霜入夢驚響板而鸚鵡
 呼名紂絕陰天渺難跡矣幸而延壽畫成崔徽圖在蘭
 葉春風之帶著紙如飛苔花暮雨之鈿凌波欲活留墨

淡矣將同烏。鯛之魚。辨手奄然。頗似潛英之帳。望嫦娥于月裏光。雖遠而長。圓喚踏搖于屏風人。雖在而難下。僕也泛彼柏舟。曾窺桃葉。驚張冬目。省識春風。序弦超。匏爵之因緣。補玉壺紫英之小傳。所願輕霄再續。阿軟。重逢賣卜成都。便訪支機之石。吹簫吳市。仍呼瀨女之。般。

尹似村公子詩集序

舉頭見日長。安為公子之家。下馬傳書江上。遇梅花之。便擲千行珠字。有九畹蘭言。將編玉臺之詩。遠索徐陵之序。若曰陽文之姿。非秦鏡不能推也。滅夏之音。惟曾鼓為能協也。臨淄交好。祇有楊修。劉尹生不最思。元度然則表性情之幽。遠寫煙墨之清光。舍我其誰。當仁不讓。似村居士。今望山相國之嗣君也。勞公樂府久歌。第六之郎孔鯉。門庭夙稟二南之訓。仲舒蘊藉。夷甫鮮明。自有青晴。腰橫赤痣。腸沉西江之水。沙篆成文。夢餐一樹之花。芬芳滿齒。甲戌二月。相見于袁浦。習中益相公督理南河時也。通家誼重。一覓心領。對柳浪以題襟。映。

桃波而泛月襄城君有手初握荀文若餘香尚留亡何
 相公四督江南似村場來官舍書聲隔竹遙知文選之
 樓帽影飄風迎出幾賢之館從此珠點夕露金然曉光
 早燕新鶯斷霞殘雪非雷連于函丈必宴賞于琴尊而
 似村苦志耽吟偷閒出彙或片言欲下而攬袂深謀或
 一字未安而剪鐙勸改雖漏聲之兩急猶才語之蠅聯
 友聲則頽雲不飛擊節而驚花亂下可謂義心清尚好
 學深思者矣雖然鄧禹之兒十三能明經者幾輩安世
 之侯七代乘朱輪者數人相公玉樹連枝麒麟接趾非
 高寢為節之產節期門試弁之才往往半面未終一鞭
 遽別惟似村生而羸弱不能侍中長吏溫文好遊小學

端門覆試表胄子之真才玉殿揮毫取秀才之美號于
 是子駿得隨父任終日趨庭波公老臥淮陽十年不召
 江南花落往往逢君嗣川月明時時過我雖風騷之道
 合亦香火之緣深故也所恨潘陸才華竟遲科目蕭曹
 家世頗患清貧况復使相還朝小侯歸第未免幽牕雪
 滿曲奕烟希紅休未封緣車待幸根同秋水而羣花之
 得露先開穴共丹山而一鳳之凌霄獨緩宜乎桓譚不
 樂平子工愁聞雲無出岫之心倚竹有生寒之感絃么
 徽急琴以鬱而彌悲風定潮回笛以孤而愈脆也嗟乎
 萬里雲程大器不妨晚就百年歲月浮生無奈情多僕
 也五載手分九回腸斷欲買絲而相繡帳倚玉以何年

每折疏麻寄遐心。手空谷恍如殘夢。聽遙響。子鈞天聊
 借升言。小申結轡。但願三微接統。九服扶輪。龍泉鑄而
 青氣升。泰華立而高呼。遠此時。采筆占一門宮體之先
 他日清風繼三代芸香之後。

竹軒小集詩序

水軒居士子猷愛竹。宋玉悲秋。封嘉樹以無聊。據稿梧
 而自得。則乃滌文石。召清流。露穉為苗。風枝掃席。此中
 有鳴琴焉。可以移情。其下設象戲焉。可以坐隱。惟時野
 王二老。竹林七賢。稱桑苧之翁。號狷珥之子。傳咸小語
 宋玉大言。談橘叟之滄。桑紀羊珠之歲月。能餐相葉。卽
 是仙人雅摘。蓮花都稱博士。或銀鉤犯浪。或岸幘頽山。
 或唐弓楚弓。爭夸射鵠。或魯鼓薛鼓。各賭壺臬。調絃而
 竹粉墜。風布局而梧陰覆。子歌成纂纂。依然歷下之賢。
 岳擊鳴。何必邯鄲之婦。餐十七物。飲一經程。花落煎
 酥瓜。橫待戰。豈特湯官五熟。夸居方藁。飲之書手勢三。

分。闕。玉。柱。潛。虬。之。令。也。哉。更。喜。水。近。燈。涼。秋。深。蟲。急。霜。
 花。新。下。芙。蓉。扣。而。更。紅。山。骨。初。呈。木。葉。脫。而。微。塵。輕。波。
 弄。月。上。下。雙。珠。長。風。起。粉。宮。商。一。笛。此。時。星。聚。身。披。
 素。之。雲。他。日。圖。成。影。入。九。仙。之。鏡。不。有。篇。什。曷。追。古。風。
 請。分。沈。約。之。詩。牌。更。倩。長。康。之。畫。筆。紅。霞。一。口。各。吐。風。
 前。青。石。三。方。永。鏤。池。上。

送尹太保從兩江八閩序

夫歲星周天仍傍紫微之座冬日可愛終依黃道而歸
 是以伯益作火正侯釐入輔夏室太公為東西大伯老
 相周邦古大臣抱格天之勳佐塞晏之化者未有不始
 子旬宣終于坐論者也然而儒稱遭際佛重因緣均此
 山河疇是燭龍銜照之處同為草木許是孔陵手植之
 枝分一葉之濃陰數皆前定受半生之陶鑄事豈偶然
 今年秋望山相公從兩江八閩枚賦詩送行而先為之
 序曰公之初來江南也荀羨華年八州兼督姚崇應變
 十事要君戴白垂髻者滿仲華車下宛舌同聲者談吉
 甫清風其時人但知公覆物之高明而不知公成物之

悠久也爾乃牙璋四至膏雨卅年竹馬鬼童頭顱成雪
 甘棠官舍蔽芾參天元武湖波成老臣湯沐之邑紫金山
 色當兒時釣弋之鄉官未奉魚符而望塵便服民但
 聞騶唱而捧轂先歡公且盛美不居與道大適糠粃簿
 領瀟灑烟霞瓠子防秋定黃河于掌上崆峒迎駕拔青
 山于地中自本朝立國以來駐江之久艾物之豐問
 有如公者乎說者謂一時景運申公雖自開吳萬里長
 城廉頗豈徒用趙是以三秦地險六詔天遙金川受降
 元江奏凱公何嘗不鑄烏蠻之柱視紅柙之營而卒之
 陳湯有五日之成功汲黯無十年之不召或爽鳩之席
 未暖而仍賦南征或蠙珠之塞方行而忽停北轍來如

明月徹夜常圓去似春風隔年又到此非淮水所能渡
 留南人所敢久借者也然則章皇為諸葛後身故享西
 蜀擁旌之報朱穆有冀州遺愛故受東都書像之榮古
 人所言信有徵矣至于枚之于公也三年一盼夢不到
 夫諺門八表停雲誰先容於細曆而乃識之於弱冠揚
 之子王廷目是銀河別澄虛鑿耳成荒市不感訑言方
 醉晚未遲而有詔命為師傳忽上清小謫而改官又
 隸嶢嶮夸公孫之能教攝五縣拜孔融之表薦刺一州
 雖難進格于停年早退由于自畫良苗不實深負烟鋤
 仙桂不高有慚月斧而不知游夏之于孔氏重文學不
 重官階也籍湜之于韓門傳詞章不傳勲業也陳留小

更但數人才東京學堂偏尊下坐假使枚尚頭誓曰筆
腰縮銀黃則繼繼從公未必常依函丈文書銜袖亦難
祖述風騷今陶令辭官而買山適逢麾下潘安奉母而
抽身得傍晨昏此豈枚所及心儀公所曾控揣者乎于
是曉衙官散尚春探鼓角之聲野徑人來落日照麻鞋
之影白雲入而朱簾捲畫戟橫而彩筆飛或花簇金鞍
親來小住或堂鏗玉佩許拜夫人或逆薪而爨勉曾參
之事親或禱祝以求盼商瞿之生子月落而軍門未掩
知燈前尚有詩人山遊而搵屬爭看怪車後常攜隱者
哀絲豪竹盡識彭宣與旨精文定呼子慎置醴則諸郎
投轄賡歌則驃馬傳箋凡此雅遊都成陳迹試問西雍
多振鷺而何以徧賞閒鷗桃李遍春官而何以獨親小
草豈非廣桑山上仲由尚有前生釋梵殿前法和原同
香火之故哉此枚所以襪席頻驚而拈花頓悟者也茲
者清宵露湛當藩侯秋請之期遵渚鴻飛是元聖東歸
之日公德車郵勿初試沙隄假板康娛竟辭南國慈雲
覆久風乍移而鳥雀皆驚膜拜聲多佛已過而香烟尚
裊攝山萬丈難刊功德之碑秋水一江半是軍民之淚
枚老辭夏篆不隨魯叟西行米盡商芝終出留侯門下
遙瞻東閣便憶孫宏怕過午橋長懷裴令涼州烏翅何
時削脯吹來牟首清香只有幽蘭宛在公履賜乾雖負
肺素心蘭雖負
爰有從遊之禮而顛毛皆垂白之年驪歌聽唱于僕夫

秋。駕。絕。塵。于。江。上。倘。或。前。緣。未。盡。定。重。逢。問。字。之。車。迎。
其。後。會。難。知。誓。亦。立。來。生。之。雪。

瞻園小集詩序

山水以永趣也咏歌以抒情也生貴族者其性豪甫弱
冠者其氣逸今日瞻園公子之宴殆其人耶瞻園者中
山王之故府今方伯永公之官衙也有平泉之富梓澤
之幽公子春巖品藻羣流主張勝地康樂心賞最是良
知李翰文枯便奏音樂時則青春受謝赤燦行權雲可
妒羅風猶動絮親書花葉招三徑之幽人妙選排當助
一堂之雅奏青山橫而簾捲碧荷動而香生攀崖呼鳥
獸之門臨水吐蛟魚之背鹽形似虎酒味稱龍繁肴雨
護世城中珍怪耀安成席上范致能雲霞作麴鄭司農
狼膾爲膏乃召巖春試車子吹比竹動交竿仙雨濕衣

都成酒氣美人流。目欲闕花光。曲終而紅豆盈箱舞罷。
而珍珠可掃。更有犁軒幻人木。熙振子蠅排舞隊。虱唱
阿房魚以名呼。鼠能口召梯雲而上。出明月于懷中。覆
手以藏。壓七星于甕下。有笙歌以韻之。則亭臺活矣。有
襍伎以眩之。則風月新矣。然而羣公莞爾。僕獨淒其。昔
習鑿齒重到襄陽。賈僚換盡。曹吉利再來。鄴下涕淚潛
然。僕如公子之年。早作瞻園之客。綠波韶影。幾度琴尊。
黃土搏人。萬重桑海。花曾識面。石盡題名。而今日以安
仁之鬢毛。擎漢南之楊柳。驚聞絲竹。感極山河。嗟乎過
眼須臾。莫非陳迹。之音。明盡總。是前因。非序。不足以傳
蘭亭。非詩。不可以豔。金谷郎主之音。情頓挫行矣。難忘
諸公之妙手。森羅袖之可惜。請書生紙。免脫容刀。人賦
角弓。僕爲嗃矢。

俞楚江詩序

夫刻削者比肩而班，僂擅巧謳謠者成俗而射，稽稱工
非其人，則神爲器滯，得其道則籟與天通，煩手淫聲乖
測隱古詩之義，絕節高唱在義心苦調之人。楚江山陰
著姓燕北，寄公賦幼年新月之章，如古人初日之對，其
先人早異目視之，爾乃童牙五歲，離民母之懷，落索一
殮，作君甥之寄，涓陽情薄，共相聲，餘荆樹心孤，誰爲銜
恤，淳于齊贅，仗健婦持家，魏舒鄉居爲里人，管確烏方
返哺，樹已搖風，呼阿子以不聞，嘆遺奴之何托，唯老子
生于苦縣，鷓兒逼上愁臺，未足比此孤危，方斯俊悒，子
是齋油素以遨遊，犯風霜之爪甲，或齊郊晉壘，乘遽登

臨。或。禹。穴。堯。峯。操。觚。滄。弔。每。至。雲。中。月。墮。天。外。心。歸。送。
鴈。秋。風。聞。鐘。暮。雨。遂。乃。驅。使。烟。墨。蕭。條。衆。方。彈。琴。取。絃。
外。之。聲。飲。水。辨。江。心。之。味。衍。波。精。紙。書。花。葉。以。同。清。密。
字。真。珠。化。仙。霞。而。欲。去。倘。入。鐘。嶽。之。品。不。在。下。中。卽。登。
表。聖。之。門。自。居。高。品。宜。乎。庶。士。傾。心。萬。流。仰。鏡。招。隱。者。
干。旌。子。子。問。字。者。束。帛。莢。莢。樂。令。語。言。全。資。潘。岳。寶。融。
章。奏。半。出。班。彪。實。至。名。歸。猗。歎。卓。矣。先。生。方。且。鞠。錄。其。
躬。遺。蛇。其。貌。爲。善。有。踐。繩。之。迹。修。業。無。息。版。之。時。抄。陸。
贄。之。方。書。賜。人。必。蔭。焚。宋。清。之。藥。券。龐。襖。必。援。又。何。其。
懷。淳。邈。之。德。而。抱。殷。勤。之。心。哉。至。於。三。倉。五。雅。之。奇。雀。
錄。雞。碑。之。辨。拾。鳳。分。蟲。之。專。朱。文。綠。字。之。章。尤。能。奏。刀。

投。削。澗。古。雕。今。見。蒼。聖。于。奠。牆。活。水。斯。于。腕。下。此。又。學。
者。之。古。懷。風。人。之。餘。藝。也。今。者。當。沈。初。明。之。暮。年。爲。徐。
孝。穆。之。南。返。賦。工。不。賣。向。四。壁。之。蕭。然。詩。好。能。飛。豈。三。
公。之。可。易。王。尼。露。處。滄。海。橫。流。管。輅。清。談。總。于。山。立。樸。
以。雲。霞。之。契。定。杵。日。之。交。初。接。康。成。一。見。而。欽。爲。長。者。
再。招。祖。約。深。談。而。同。入。元。中。忘。其。才。懸。勉。爲。嚶。引。庶。幾。
咽。庫。辱。官。之。唾。福。慧。俱。來。韻。宗。少。文。之。絃。遙。山。共。震。

瞻園兩公子送行詩序

雲中笙好方聽子晉之吹海上琴孤忽斷成連之曲此
師曠因之躡足孟嘗倍欲沾襟者也而况草元問字往
來揚子之亭捧席橫經警咳康成之側者乎則有竹巖
鐵崖兩公子者江寧方伯永公之嗣君也公敷丹青之
化表淳甯之風陰德耳鳴屋漏不愧旁人目論後世其
昌生合蒲之雙珠比豐城之二劍爲舒祺晚得而少子
加憐因賈嘉不凡而通書最廣公子懷文抱質潤古雕
今十二月昭明錦帶之書八千張在約手鈔之紙難爲
其弟儀虞誰優酷類其兄機雲並耀荀卿五十始遊學
而公子萬里趨庭酈炎十七作州書而公子髫年奮筆

凡大行左右河水東西六詔雞關五溪瘴雨靡不遙山
對酒孤月題襟加以乙乙竭思賢賢易色文選樓中蘭
臺客聚江洪館上銅鉢詩成雖以賤子之不才猶辱高
軒之三顧鹿銜書至華陽十賚之瓜涼南皮三
秋之晏揆張德講風扣鐘脣震擻咫聞花飛天口窺其
學海不可量而知也擬其情膠不育判而斷也不圖今
年七月方伯全家入都孔璋行矣抗手何時洗馬愁乎
悲風四起溜澗水合而靈犀忽斷其流蘭蕙香交而長
鏡遽分其種秋艸尚碧關河已霜蕭蕭馬鳴滔滔江水
公子方且琴尊不御玉札頗來廣集鈔胥錄余草藁黃
初金帛購北海之文章百濟樓船索蕭雲之筆墨人間
知己心上恩波僕所以淚不知行而腸為九轉也其業
師嚴憩堂秀才傷吾道之欲東感青藍之小別賦詩七
首索和羣賢悠揚彈素女之絲悲愴極秦青之奏嗟乎
騏驥竊雲六閑兩泣鳳皇振羽百鳥啼烟物且同情人
尤多感然而公等齒猶未也風無不聚之萍僕則鬢已
蕭然樹有孤棲之雀探懷中之珠字送江上之瓊枝高
惠神交難識夢中之路張堪前輩豈無見托之言所望
努力烟宵羽儀皇國他日車過三步休忘喬太尉之
生平此時柳折一枝共唱江文通之別賦

尹文端公詩集序

夫無形者功德有象者詩書易泐者鼎鐘不朽者竹素
 是以八伯渺矣而朱千苓落之音傳三象忘矣而東山
 零雨之篇著上有文思之后下有文命之臣凡以突起
 皇風軒轅帝載非偶然也我朝尹文端公以鈞河摘
 洛之才贊堯醜舜薰之化言敷彤管早穆清風墨灑黃
 麻便成甘雨其功見於天下其草焚於篋中辰告詩謨
 有國史在非枚所敢知也若夫四始源流五際聲韻心
 乎愛矣情在於斯偷三接之光陰廣資省覽分九雷之
 響咳潤色風花當其卷阿從遊柏梁應制凌雲賦而人
 王驚老鳳鳴而百鳥息對天揮筆畫日成章方知從古

阜。夔。原。稱。才。子。於。今。燕。許。尚。有。風。人。他。若。擁。旄。憑。弔。之。場。二。邊。盡。歷。駐。馬。謳。吟。之。地。五。嶽。平。看。金。石。流。其。聲。江。山。壯。其。采。讀。公。詩。者。疑。其。生。知。敏。性。不。假。鍾。鎛。者。乎。而。不知。又。非。也。公。功。高。百。辟。志。在。三。餘。督。八。州。而。迥。然。吟。七。字。而。自。喜。其。精。思。也。如。其。謀。國。其。巽。入。也。如。其。撥。氓。其。綿。麗。也。如。其。測。交。其。矜。嚴。也。如。其。弊。吏。而。且。纂。言。則。油。素。書。之。愛。土。則。傾。於。禮。之。故。能。宣。揚。八。風。不。差。累。黍。吞。吐。四。瀆。兼。細。細。流。行。間。消。蹈。屬。之。心。言。外。得。中。和。之。氣。較。彼。經。主。尚。多。孤。詣。就。論。風。雅。已。歷。羣。公。近。今。以。來。嘆。觀。止。矣。枚。卅。年。隅。坐。由。也。升。堂。一。旦。山。頽。吾。將。安。仰。猶。憶。鼓。角。臨。江。之。日。牙。旗。捲。雪。之。天。張。設。有。丞。爲。賞。休。

文之二句。雷連裙屐。蒙呼王儉之。三公。懸。瑟。方。希。牙。琴。又。奏。負。牆。請。退。刻。燭。重。漆。軍。門。沉。漏。而。不。知。燕。寢。檣。等。而。忘。倦。孔。子。曰。好。之。者。不。如。樂。之。者。其。公。之。謂。乎。然。而。王。筠。喜。押。強。胡。讓。天。下。以。先。楊。紹。戒。不。示。人。懼。知。音。之。少。今。者。大。屋。已。隕。餘。光。尚。耿。于。天。小。子。幸。存。斯。文。敢。摩。於。地。望。九。原。之。人。遠。慮。二。雅。之。道。淹。用。是。編。集。遺。文。都。爲。八。卷。雖。問。字。元。亭。無。復。春。風。之。座。而。尋。琴。海。上。依。稀。流。水。之。聲。知。我。一。生。報。公。千。古。鳴。呼。

熊蕉泉觀察詩集序

熊蕉泉先生三生哲匠一代清才當鼎錫之年有成章
之曰取壁經置座右張霸饒爲坐羊車入市中王澄絕
倒映日則腸胃之文可見臨風而哺嘍之狀亦佳年十
五舉京兆年十九補秋曹年二十軍機房行走三摺以
俟雍容鳴玉之儀七涓有隣澤曳清履之地當盧鳴蠟
飾盡內裁扈帶鮫函時從羽獵九乾之法咫令咫多所
咨詢一時之公望公才隱然丰采然而香烟朝罷珠玉
吟成潤古雕今含章奮藻未嘗一日忘其所好也已而
有湖北監司之命六劍具在雙旌啟行應奉記七十四
縣之囚陸續賦八百餘人之粥雉雉然萬物化焉噦噦

然四野歌焉再權方伯益尉仁風膏雨布其恩鄉雲表
 其瑞雖長沙地小無袖不能回旋而襄陽壇高牽羊已
 至四匝帖荆日久詛楚文來為采赤側之交遂坐王庭
 之獄解龜荆渚拾翠瀟湘片珙無聲三年待放當是時
 也漢女行歌於撒瑱巴童隕涕于持靴諸氓私阮畧之
 碑行路喂房謨之馬先生罪經全雪年正方剛自然偏
 陽之懸蘇而復上秦宮之鏡磨且益明矣不料川方至
 而潮收霜乍零而蘭蕙機名伶蹙拜闕難行目喪清曠
 瞻天何處帶淵墻而後起身豈斷蓄降北渚以愁生花
 皆隱霧婆娑生意天折天年遽喪人琴非關風燭嗚呼
 先生為司空之文孫翰林之媚子伯兄卿倍百已婦翁

僮指千人仙桂根高明珠性耀以故陳顛立室必容車
 馬旌旗游楚出行常帶琵琶箏笛虹竿雉拂地掃珍珠
 月兔羊燈光搖錦障極麗柳驕花之樂遊華鬢切利之
 天一旦火自崑炎水流春去收聲藏熱飲藥呼醫旁觀
 代覺凋荒當局能無優悵而先生居幽苦泰履困如夷
 家雖貧而道不貧形雖病而神不病王駘喪足棄若土
 直師曠失明倍精音樂吹反潮之笛閒倚離蘭張却夜
 之旛高燒絳蠟得句則呼兒代錄扶僮而對酒當歌鼓
 識回搗峽山驚逢王應面看薄醉邳州生祭韓稜此非
 乘彌戾之車走和神之國者而能如是乎宜其娣雅之
 章清思竊冥緣情之作流響紆回雖茂先橫珠太冲散

錦不是過也。枚于先生測交于佩牒之年，卽呼小友卜
隣于挂冠以後，並賦閒居傷六代之風，初喜兩入之道
合一，則倉山橫枕，四面烟蘿，一則挑葉當窗，終年簫鼓
每至，錦雨冬歇，金雲夏鋪，齋罷入關，宴開三昧，及爾如
貫舉杯，相於得一，味之佳同，修食譜賞，半花之艷，各走
吟箋，虞松表成，鐘會代商，五字喬雲，晏起休文，往往終
朝，飲中山元石之觴，二年心醉，噉白傳防風之粥，七日
口香，方期范績，寡交舉足，輒尋王亮，豈料荀郎年少，後
事反托鐘君，非黃壤之埋，公實蒼天之孤，我嗚呼曲盡
當進人生一世，鷓來華表，少別千年，引號歸雲，誰續廣
陵之散，箱餘紅豆，空存記事之珠，縱教美景良辰，依然
宴集，未必虛堂幻影，再接再平生，幸嗣子之不凡，取遺文
而相付，杜陵衰疾，半落行間，宋玉招魂，如來紙上，慮應
場之稿，儘敢元晏之序，遲鋪敘官勛，當作龍門之小傳，
編排篇什，長留鳳鳥之希聲。

鳴代渤海相公祭丹太保文

嗚呼五緯移宮。天上有忽墮之星象。四時成歲。人間無
不去之春風。矧乃九服英名。七荷遐壽。禹甸半懸其像。
箕疇全集其身。已極哀榮。尚何優咤。然而葬姬公於畢
明主。沾襟聞子產之喪。路人含玦。蓋惜卿雲之易散。傷
冬日之難留。故也。而况乎位繼蕭規。身經孔鑄者乎。恭
惟望山相公。嵩嶽分靈。元黃毓粹。受風后之金法。調阿
衡之玉鉉。鉛槧隨身。楊子同車之歲。蘭臺簪筆。中華哀
服之年。諭越乘輅。霜清狴岸。鬢河導牧。波靜龍堂。會西
隨夫剛戾。更南馘夫白賊。三貂華重。四扈推移。入作臯
蘇。出磨方召。嵩陽毒地。郭公駐馬。而風和樂陵。苦泉坊

豹停車而味變。民人樂見如月初生。風聲迭聽。未春先
煖。其持節之最久者。則在西周分陝之邦。與禹貢揚州
之域焉。是以長安三老。慣說音塵。揚子一江。幾成湯沐。
事練則沉。幾應智亭。毒無心才優。則閣手仰成。吁。茶有
道。淮南草木之張。萬福之威名。殿上車聲。識田千秋之
恭謹。無人調鼎。有詔催公。當其赤鳥之將行。頗覺蒼
生之難別。自知衰矣。攬轡潛然。然而白公入閣以來。五
嶽無塵。方趾圓顛。其慶六祈。輟診別風。淮雨俱消。夔拊
龍言。雍容九陛。堯趨禹步。扶侍七年。分貢樹之香。同餐
法酒。扈長揚之獵。尚挽強弓。方期恒仰中星。豈料離古
仄日。威鳳竟翔于寥廓。虛舟長往乎夜川。

皇上南內輟朝。武官去籥。錫衰一奠。竟勞帝子之尊。庸
器千年。永入司勳之籍。耳聞者難禁。曲踴身受者應泣。
重泉某故吏。情深典型。人遠一門。兩代半隸。旌麾二水。
三山常陪文讌。身非王滿。得親公旦之徽言。才愧士行。
竟坐劉宏之此席。尊前風月。宛若平生。鼎底鹽梅。又帶
衣鉢。撫太尉親裁之柳。當襄陽墮淚之碑。招巫咸以招
魂。折疏麻而寄奠。嗚呼。官羈南服。難駕素車。白馬而來。
腸斷西州。敢忘斗酒。隻雞之誓。哀哉尚享。

祭吳桓王廟文

余年十七讀吳桓王傳心感慕焉後十年宰江寧過銅井廟有美少年像披王者冕旒英氣奕奕野人曰是桓王也余歛歛拜謁奠少牢爲民祈福而使祝讀文曰惟王值天地之睢刺爲孤露之童牙初亡姑蔑之旗便射徒林之兜先破虜將軍玉璽方收金棺遽掩有功帝室未享侯封王收斟灌之遺兵零星一旅就潯陽之舅氏涕淚千行志在復讐身先下土神亭擲戟立竿知太史之心金鼓開城解甲拜子魚之坐鳴角以招部曲戎衣而習春秋則有公瑾同年捨道南之宅喬公淑女聯吉偶之歡自覺風流私夸二壻有誰旗鼓敢闌三軍江有

霧以皆清陣無堅而不破待豪傑如一體用降兵若故人逐秦佛之窄融公高明帝誅妖言之于吉識過茂陵起家曲阿收軍牛渚廓清吳會奄有江東百姓以爲龍自天來虎憑風至勢必山傾地坼并埋木刊矣而乃望見兜鍪陳平冠玉再瞻談笑子晉神仙三軍無雞犬之驚千里有壺漿之獻氣吞魏武避猊兒之鋒表奏漢皇迎許田之駕蓋不踰年而大勲集矣不圖天意佳兵三分已定丹徒逐鹿一失相遺劍出匣以沙埋日升東而雲掩天實爲之非偶然也夫漢家之火德方衰妖讖之黃龍已死王如剝業美矣君故然觀其絕公路之手書宣昭大義問劉繇之兒子纒纒平生雖神勇之非常偏深情之若揭就使請隨周室謀鼎暉臺必非草莽之姦邪終見高光之禳落也而說者請坐竟垂堂勇忘重閉未免蠱同頑羽死類諸樊不知失弩軍門亦傷劉季深追銅馬幾失蕭王成敗論人古今同慨彼齊武王之沉鷺晉悼公之雍容俱未輕身亦無永歲抑又何也今者廟貌雖頽風雲自在端坐恒悒邱君之神采珊珊秋草茫茫討逆之旌旗可想三吳士女皆王之遺民六代雲山皆王之陳迹守土官袁枚幼讀史書掩卷生慕來瞻洞宇雪涕沾襟難從隔代以執鞭悞欲升堂而拜母修下士天臺之表寄將軍帳下之兒願安秦厲之壇永錫編氓之福勿孤普淖鑿此丹誠嗚呼千載論交王識少

年之令尹九原若作吾從總角之英雄

公祭襄勤伯鄂公文

嗚呼徹曉含芒天呈所以高士將見危授命人世所以重尸臣乃有枉矢西流赤烏灰日珖超之行萬里韓翁之歿三邊海內為之拍膺

天子聞而郊弔豈非犀軒直蓋光爭鐘鼎之先馬革殘屍位列雲臺之上者哉恭惟虛亭尚書殷代巫咸姜家已假畢嶽削成于面目雷精感應于胎生受五運之金多太阿立斷得九秋之氣勁止水無波少步花傳三清受職長持玉節十部宣威謝傳領丹陽者一年陶公穆風聲于千里天子受降伊里命公出鎮乎韓明知梨樹請盟吐蕃難信涇州獻簿醜奴可疑祇因王者推誠

聖人無外故使甘陳為都護將。倚頗牧如長城。公奉詔鑿行誓心采入戎裝。別母有淚無言。秋日從軍多霜。少露蓋早已笑看金珙長辭玉關矣。亡何豺狼起于轂下。烽煙莽若雲來。犬不左牽。讎難御突抱九地九天之。初莫可施為。聽一甄兩蹶之鳴。長圍漸逼。參擊厥肘。兒骨而未休。旗偃雷門血。弱驂而尚戰。短棊困拔山之。于疾雲遮。捧日之心。雖必死是期。不去教曹鼓蓋而大。臣難辱終抽光弼靴刀。嗚呼痛哉。白草青燐。誰辨蔣侯之骨。敗旌冷嬰。虛歸穆伯之喪。一柱西傾。九重天泣。驚。而聲鼓痛甚。沙場養孤兒于羽林。錫高堂以胎穀。刻木。以像鮑信。碧葬風涼。臨池而痛。瘞肩昇綠。沉瓜墮假。使公。

竟維婁質。于半。借賢王封。驃騎之狼。青築。韓公之中。壘。轉不迺策。勳。雙。闕。磨。崖。一。碑。已。耳。又。安。能。氣。肅。三。靈。而。哀。騰。七。萃。也。哉。今。日。者。旄。頭。宵。落。龍。庭。畫。角。鳴。鏑。者。銷。聲。沸。脣。者。戰。伏。終。軍。被。害。卒。吳。南。越。之。頭。來。歎。雖。忘。終。取。公。孫。之。蜀。公。之。目。可。以。睽。矣。公。之。心。可。以。安。矣。某。等。曾。依。麾。下。同。沐。清。風。過。細。柳。之。軍。營。尚。思。刁。斗。望。周。南。之。菱。舍。敢。折。甘。棠。方。期。式。像。于。凌。烟。豈。料。招。魂。于。絕。域。雍。容。裘。帶。涉。想。猶。存。叱。咤。風。雲。音。塵。不。再。謹。以。性。牢。之。奠。聊。申。節。曲。之。心。黍。稷。非。馨。丹。誠。可。鑒。所。冀。刀。弓。自。動。卽。為。來。享。之。徵。轂。左。歸。來。莫。作。息。鄉。之。夢。長。哉。尚。享。

檄吳縣城隍神文

昔重獻上天禁神人之褻處夏王鑄鼎除魍魎之不祥
故知沈有履齏有髻者沴氣之偶乖也楚人鬼越人禳
者弊俗之宜創也夤宜社之內祇以勸民設太陰之弓
原爲射厲我 國家齋宮澄肅祀典清嚴祇正官閭女
媼星耀過科車之故氣照白日之幽嬪稱天而誅獄瀆
奉三章之法惑衆者殺軍民掃五厲之壇凡夫蚩驚赤
被鼠說黃祥宋無忌之兒妖徐阿尼之猫鬼糜不銷聲
滅迹輯羽藏鱗豈有怪異丹朱敢巧身以儀房女淳同
河伯竟娶婦以長巫風如汝吳縣隍神者何其妄也惟
神血食金閭卵翼士女繩及家土宰執殤宮有矧臚之

妖當呼甲作食之或鮭鹽之崇當命方相擒之乃元妙
觀旁女子沈阿雲口稱神據病入談詒半點半痴非因
非想戶憐不枕遭躡首之驚姪變不祠受妖夫之曳花
如著霧但有啼痕玉未成烟漸無華色三更吹雲白蜺
嬰拂之風一夢行雲紂絕陰天之所爺娘擁髻以泣徧
請神方戚隣掩戶而驚懼招鬼壻嘻異矣夫五行六氣
之怪聖人不言四鄉九正之靈明時効順高高在上寧
非有道之天虺虺其聲豈是無雷之國如何非類選爾
相于午乃淫威肆其竊疾棄位而姣明禪非野合之場
不夫而婚內士豈司幽之國禁部民之娶律有明刑嚴
左道之誅法宜加等或者繡衣乘傳漢官尚有詐稱焉
知社鼠城狐冥府不無假託然而既少聰明之察終慙
黍稷之馨欲斬神叢先焚祇廟下官偶來吳下居此凶
矜怒髮植竿雄心拔鞘撫長劍兮擁幼艾雅慕騷人鋌
猛氏而斲游梟敢藏賦手女父龍官陽爲遷室之求陰
作鸞篋之尊下官不忍拒也哀渠竊窺曉汝淫昏彼美
人兮焉能事鬼我丈夫也不愧于天焚斗檢之糾封當
鄴都之露布今日者兩行花燭一色刀光侷子催妝桃
父撒帳馨折以待權爲西門豹之挪揄磨厲以須莫怪
郭代公之函莽

祭盧公人文

嗚呼同作寄公。張通家之人。少遠傷嘉。偶驚少女之風。多月方耀。夫織阿星。忽沉于織室。此鰥魚所以有常開之目。隣春所以有不相之聲也。而况德重金閨。受公宮之四教。聲留彤管。歌靜女之三章者乎。恭人本宏農著姓。生息土名區。婉孌蘊其容。莊姝表其度。既懷文而抱質。亦習禮而明詩。我抱經學士以最後之絃。作煎膠之續。初傳下達。頃起譌言。或謂餘杭路遙。納幣何須出境。或謂囊砧日暮。生梯已屬枯楊。苟非玉女清臚。寧免冰人卷舌。乃恭人耳聞嚴命。手戴香纓。慕楚國之先賢。欣然。筮日作盧家之少婦。不復疑年。蓋其神識超然。早已

加人一等及其嬪下學士也曲號姑恩獲婦如歌得寶
 歲修女史執鍼間以織衽三滌三翻櫛散修罽之器
 燈一卷蘭薰粉澤之書學士好直言而恭八進伯宗之
 戒學士偶入覲而恭人為裴澤之從既連襪以持裳亦
 雙心而一袂曹大家所謂婦如影響焉得不賞者其恭
 人之謂矣且夫黍離之什伯奇野放之歌也黑心之符
 義方調世之作也從來後母絕少慈雲恭人撫暮鷄之
 髮覩學鳴鳩之平一為兒髮鬢治扞禿以無嫌哺女淖
 糜喚摩敦而共樂忽殤文伯痛甚敬姜湯液扶持冷露
 清霜之際燒痕停結招膺洵涕之餘不因異腹而損慈
 翻以銜哀而致毀其病也乃其所以為賢歟兼之不侈

妬下旁求側室之夢娘惟恐潔宗勸績小郎之介婦米
 監凌襪碩畫分明姁歸依齊聲延祝此又善心為窈
 善容為窈之明徵也已客秋枚山妻以鄉里之親遣女
 奴作私覲之請蒙恭人賜之敷坐接以和顏雖欽遲未
 來大享廢夫人之禮而餘恩逮賤小君有竹簋之將鳴
 呼人何淑也僕有感焉蓋聞媒以名通大抵華年牌合
 妻因夫貴都夸與慶首行是以高柔愛玩賢妻有終焉
 之志元和相悲傷故劍因晚景之榮學士上范探花湘南
 持節雖如春夢已付輕雲而恭人齒未三旬歸才五載
 假使慶鐘于後天假之年安知不勝繞珠胎班高命婦
 而乃乘龍于絳帳埋玉于青溪三日結襦便製諸兒之

文葆一盤昔晉空老親手之羹湯病已劇而未使郎知
身將殯而始聞醫辛宜乎莊盆憤鼓猶迴木石之得况
復潘髻將衰忍制瓊瑰之淚然而福者邱里之欣德者
竹素之耀數者偶然之遇緣者無盡之稱恭人丹心寸
意不炫睫前遠迹崇情頗期身後故知花釵九樹原非
桓孟之光青史千年裁是姬姜之壽玉棺易墜金簡難
湮五時衣空三生石在學士又何必以無涯之情愛悼
不駐之光陰也哉枚門無一束之芻上作芳餘之薦敢
奏九歌之曲敬招瑤戶之魂靈或有知庶其來格哀哉
尚享

小倉山房外集卷四

錢唐袁枚于才

上尹制府書

六月十四日公鳴八騶過五柳度陞約相鎬壇將葺隨
園之蓬茅請 鑾駕之臨幸是日也流水游龍冠簪朋
盍鳥欲鳴而難轉人含意以未申今聞瓠子防秋繡衣
東指凡諸惻素宜阜寫宣夫傾陽者葵藿之誠獻曝者
野人之禮朱鷺晨飛于漢殿元龜夜夢于宋王樹且爭
天雲猶捧日而况新辭墨綬舊綰銀黃一椽皆餼廩之
餘五畝亦大官所賜豈有塞門引彼不觀河洛之酋洗
耳投淵遠拒崆峒之駕者哉然而愛有餘者敬不足也

心雖擊者事或乖也夫十匠九柯之說于門萬戶之奇
非張華所能詳亦揚雄所未賦猶以清陽玉葉徒高八
觚之基銅冒金塗未極九衢之變故駕蒼龍而時邁飛
翠蓋以雲翔若復降清蹕于瓜廬屈重擱于圭竇則天
將倚杵與且生祥金人捧劍而頭低玉女投壺而臆礙
必致王商門小雨沾從者之衣叔子笑聞人立胥閭而
語掌舍無賈庸之設又聞有穿漏之憂此其不敢者一
也說者謂周王德盛蒿可爲宮唐帝心清松生于牖是
以

天子書雲蕭寺聽雪靈巖亦復井幹庸庖宋厲彫剝道
場與坎埏不礙峭潔與平粼無嫌職此類推則又慎矣

夫半椽三瓦得目巧于空青開土苴芻繩引繩夫臣子
臨民浣濯戒在公羊密石確諸載于晉語隨園者考槃
適小陋室銘傳比王導之亭臺官非師傳學能安之酒
潛人愧經神張黼辰則木屑難用爲庚牌焚築鬻則草
根將嗅于甲帳雖三土爲堯茅茨不剪而重墮是舜部
婁何觀此其不敢者二也倘賜水衡之錢碩度支之費
亭公栽樹扁長呈材竹人司監風歸令史佻天以爲已
力勤民而將自封恐刻溪立含戴達不安楊烈賜橋阿
稱薄福果五丈旗復道周廬之所高樹方明豈十七步
長阿連石之鄉可賚處士此其不敢者三也若令日修
越時私貢吳雲庀此苑居媚于采殿恐身少清宮之費

家無滿屋之資九仞臺高難趨子午三成土小敢號崑
命徒使孟室見尤趙椽被誚薦艾之五旬有愆射濬之
四板空謹此其不敢者四也夫黃籟曰籟各有都家區
土區廬豈容墟吳枚離禹航之地叩鍾山之英忘首郎
之思冒寄公之號本非土斷難告僕夫雖孔愉在郡卽
會稽以爲家盧愨居官愛靈昌而不返稱周非客受塵
皆民然而清問忽下于九乾巧宦有同乎三窟此其不
敢者五也昔春陵沛邑之幸本是雲龍愧眉刀璧之觀
無非仙跡卽或寡戴公之山下訪杜相于樊川大抵聲
蹕清塵早張旃艾未必天豚暮鷄許直東廂今者沐鶴
溪深母妻俱在桃源花老雞犬相將避則靈瑣誰司

則重棟難伏豈挹婁有九梯之穴廣陵非六慎之門乎
且夫尊無二上齒路馬者有誅席設九重過公廬者必
式苟降義軒之纓輅將見堯舜于羹牆刻棘曾枝都成
皇樹衆歸窮濱盡是帝邱紅杏進而黃紬封御香畱而
左扉闔空抱李松之宅券將寄息夫之邱亭此其不敢
者六也且夫四千償樹十萬買鄰沈雉同渠灌花相助
鑿壁分一燈之火綠楊爲兩家之春久已洽彼此鄰無
人笑拙矣倘復路布甬道門開劇駉剝小人之廬弛文
子之室伐東鄰之棗樹移南家之輓工則燕雀驚棲將
歸咎于連牆之士池魚波及兼抱慚于乞火之家未增
景于邊燎先樹怨于襟昔此其不敢者七也抑又聞之

鳧渚鶴洲以小爲貴雲巢瑞室惟曲斯幽倘加將作之
經營定用考工之儀式九蓋皆繼四維盡參樹剪賓連
衢加甃祗既鎮其費損一壑一邱之致將懸以藥收半
郊半郭之風必使地上布金池中鋪錦藻兼睨目玉帶
呈圖有莊嚴界觀無濠濮間想此其不敢者八也或謂
捨家奉佛明僧紹且結緣焉以宅易州武陵王或僥倖
焉又何妨借終南之捷徑獻白雁爲司城乎不知枚刺
草心殷籥雲力薄帶淵牆而後起身若斷苗冠蓬累以
嬖姍形同欺賴倘菱荷衣冷見日先焦竹笏風輕朝天
便墜翻使蜘蛛讓隱牕雞止談山且移文松將變色是
以抽蒲筆寫蓬心獻邱里之言當華陽之表柱州刑馬

願迎三皇之車谷口寒門冀免萬靈之接公謀參噴室
職任咎單畜君何尤愛人以德畱蕭閒之草木卽錫福
于煙霞不奪箕山未必堯階之路窄許局石戶彌彰禹
甸之風清

答王厚齋書

昔者由余入秦弭節西極樂毅遊燕稅車金臺之二子
者豈忍乘其鄉哉誠狃于名而憂夫世也別後豨膏棘
軸衡流方羊耀靈促輪蟾目瞪轡馳原隰之繡錯聯巒
巖之嶄絕凡海王所以尊地媪所以富玉節所以走言
金椎所以馳秦亦既觀止低徊留之方知刑馬之郊有
古皇之跡負黍之壤果隱士之居古人文藻必資遊覽
倘爲鄙儒終慚都士僕學非賈誼乃蒙吳公之薦才劣
孫宏竟對明廷之策猶不自諒以爲庶幾排金門進紫
闈彈庖犧之八索調朱裏之五絃矣爾乃強臺未上弱
水遽沉知北有懷圖南無力側身徒赤壤局影非朱門

梧邱哭而仲尼之車不停。范蠡吹而文種之旌不至。我獨何能無慨然已。而遇薦主金公之憂。卷舌望星若虛。握手或奉壺冰。或操量鼓。待其事。竟然後拂衣寧可使。兩箭貫耳。讓禮震以前驅。萬戟。胸救范升。而早退哉。僕聞亭歷。萎于炎夏。款冬華于嚴霜。窮通之靡定也。呂尚使老者奮項。橐使童兒矜遲速之無常也。粵苑之天難卜。侯疆之兆高墉之地。終占射隼之功。故匡衡對策不中。經義益明。蘇秦捭闔無功。飛鉗始學。僕雖摧折亦無。曹焉。尙愁自苦。櫛極獨前。模繡節其身。蘭澹謹其湛。庶幾再奮。溟池重亨。天衢非觀。書于太史。亦聽役于司徒耳。若夫辭君王而爲鮑焦之遁。衣敝袴而爲買臣之歸。則擲楫無所。題橋有志。歸宋見斬。用趙何益。揆厥下情。實非所願。方今木葉臥地。天風墮霜。候雁宵征。秋河曉碧。先生蒸馮。珧之高。飫宵梁之酒。折招搖之桂。召狂屈之徒。唱古寡。應呼今誰聽。坐無車。公知必不爲樂也。嗟乎。朱絲未染。猶墮楊朱之涕。白髮嚙指。時動曾參之懷。况復心旌風搖。芳訛雨絕。悶巾褐于旅。卷生絳。謳于斥苦。涸魚噓沫。而後知同池之權。越禽孤棲。而後知離羣之哀。風欽德音。辱贈敢答。削札局函。恨然何已。

與蔣苕生書

昔柯亭之竹非呈響于蔡邕鹿盧之劍豈矜奇于秦女
乃過之者駐轡佩之者超屏何哉美見者情生氣求者
聲應人非矇眴觀夷光而運眸地非龔俗奏咸韶而傾
耳此鄭風所以歌緇衣周易所以稱爾臭也若乃惠施
測交而無從屈平獨立而增歎游魚欲出而瑟希雍門
思悲而琴寡無所感之誰爲應之客歲稅駕廣陵見足
下壁上詩烟墨猶涇素塵將掩僕手拂口吟色然心駭
絃歌應節流水可以移情同堂異鄉停雲因而增慨字
尾書苕生二字喜江上丈人澤邊漁父伊可懷也彼何
人哉僕雖識高敏夢中之路難抱張騫鑿空之想縱有

宜生切肺之義更深孺悲無介之虞于是殫深心于搜
 牢極冲襟于遐訪西朝執訊虛位以待李巡東海得書
 榜道而求孫惠愛而不見于今三年幸安亭公子紆轡
 白下道足下居洪都之地為舍人之官其才藻耀其人
 玉立然後知足下國之良也民之秀也欽遲者方望若
 歲而馳譽者久癩若雷雖然九州大矣人才眾矣僕蠖
 伏江表足下鳳鳴神都僕知君君寧知僕哉豈意銅山
 之鐘地隔而霜應晨風之鳥樹遠而聲交邠原渡海方
 覓孫崧北海有心早知劉備于是遠蒙矜寵重寄篇什
 開函香生凌紙怪發驪龍未遇先投六寸之明珠師曠
 方驚更轉九天之清角識麟一趾眸子自矜藏鳳半毛
 門庭可賀所冀足下北行之日鳴騶臨况僕冀除敝廬
 請吾子之須臾焉昔者稽康命駕千里想思元度出都
 一曰九請心期既重手握自殷緬彼賢流直其然矣足
 下與余豈在古人之後乎

興延綏將軍書

枚聞遭逢者運也經畧者才也蛟龍乘三春而起蟄虎
 豹臨九關而威生齊有黔夫燕人祭北門之鬼趙有李
 牧秦王罷東并之勢林父獲鄴舒于北狄萊子朝晏弱
 于東陽莫不乘風雲耀金石隱敵國于壺外鞏金湯兮
 千里若夫攬九邊之控制論八鎮之規模防秋以全陝
 為尊入關以延綏為要產非西極不號龍駒入過陰山
 都名壯士角聲宵奏延陀之妖雪驚飛檄草朝成西毒
 之黃龍氣盡此則河湟惟唐休璟能知而安西非郭代
 公不可者矣卓園將軍浙西八俊河鼓一星戴豹皮之
 冠纏虎尾于臂堯廟踢壁橫行十尋齊市長繩曳馳三

丈天生躍。穿苦竹刺。而如飛。黃回運。刀激水。灑而不入。
爲賊習。膽騎牛。讀書故。能拔身。銀槍起。家金穴。蛇矛丈。
八擒青犢。以立功。浴鐵三千。鎮白門。而擁節。子陵臺畔。
來候霸之車聲。杜甫柴門。寬巖公之禮。數容長。孺爲揖。
客喜。韋敬是同鄉。甲戌春二月朝。
天子于京師。日午捧而雲。開壺未投。而天笑。舞羊侃之。
梁樹折苑中。擊周寶之毬。勇間殿上。遂製梁公之金字。
賜萬徹。以膜皮一障。乘邊雙旌。出塞控同人。武試亞夫。
之治兵。青海天驕服。高皇之善將。此行也。東門介土南。
國儒冠老者。頗嗚少者。齒擊莫不指陣圖。而思丞相攀。
大樹以望。將軍僕。獨不然。蓋有說矣。夫虎飛食肉之奇。

豹死留皮之語。尚屬武夫之佼佼。難語大雅之情。惜惟
念我國家。休養百年。欽明四代。南至于濮。鉛北至于
祝栗。西至于燾。靡東至于開。梧莫不候。月歸梁。占風納。
噓。惟西戎一旅。屢折篲管。小醜尙存。英雄爲之氣湧。旬。
奴未滅。男兒何以家。爲公之間。鐘壯心投。袂欲起也。久。
矣。今者旄頭夜落。神雀朝飛。單于生內亂之憂。可汗有。
尊天之請。旗書歸順。烏願投明貢。牛羊稱唐帝之畜。生。
獻燕支。作漢宮之顏色。而且雕庫來告。國難康居。願作。
先驅。天子哀彼。羶裘受其。縶矢恢張。黃籍編隸。烏丸。
愛虞。謝之議。涼州常通右。箚薄僧孺之拒。悉怛坐失生。
羌將撤。戊巳之邊防。增庚戌之土斷。置燭龍之州。邑懷。

關耳之人。民蓋渭橋。謁而麟閣。畫十一將。高昌滅而北。方靖三十年。誠綏邊之盛事。柔遠之鴻業也。所慮者。其來荒忽。非人柄所可維。婁其義。羈縻非九刑所能震。據是以不樂水土。則頡利思歸。略失機宜。則梁安中變。贊普獻塞。終持銀鵠。而奔梨樹。請盟竟鑄金枷。以待羈留。賈子彼何愛于匹夫。安設屯田。或且鞠為奧草。雖依漢與。依天等而受降。如受敵然。矧孟琪之室。萬間班超之國。五十豈無能稱。操刺賢號。屠耆者。勢必滿月生心。推寅起事。等夜龍之射。關學。葺叔之違天。我已垂囊。彼方鳴鏑。階將舞羽。寇且張弧。夫西域何足散。漢而平準。卒以成書。南蠻未必困。唐而徐州。因之盜甲。然則魏徵憂

國之謀。江統徒戎之論。誰關鐵牡。永靖銅駝。非所能知也。不敢不告也。延綏北可控。五戎南可衛。三輔有蘆門。塞砦之險。有清邊三族之成。願公消禍于無形。練兵于不戰。先知為哲。見小曰明。鄧訓馭燒當。恩如父子。高車畏陸侯。嚴若風霜。庶幾廷光拜。城上而肅然。梅錄識。豐州而不動。此策之上者也。不然。則六耦開弓。三鼙起戒。嫖姚之兵。五道孫武之智。九天焚老上之龍庭。掃淳維之颯脫。必使頭飛六角。面縛三門。匿廬空珍珠帳。捲然後。鐫碑葱嶺。挂弓扶桑。乃為大丈夫之志業耳。昔者刑塘之地。動文命之威。桐鼓之歌。殺空桑而作將軍。其有意乎。然而教民七年。先甲三日。避險尚遠。趨時貴近。

銅柱蒿牆都煩卒書琵琶蹴踘盡是兵機或未至金城
先圖方略或經營玉壘不設壅門慮捷事而內結中涓
選精仗而自臨武庫緩帶之時畫虎尾春冰之館援枹
之際有銀衡鐵室方防此又豪傑之著龜忠臣之葆就
蓋謀高然後陣定主信然後權專功雖成于臨時道當
裕于平日也僕身別熊羆心依鹿豕蒼鷹當秋而先倦
老馬聞戰而不哮至于釋歸義之三章唱婆駝之數疊
鏡歌頌漢江漢美周則力有餘奸心無他讓早染毫素
以待燕然之銘若作馬曹請設舊交之位

與雨林似村兩公子書

昔東阿采庶子之春華廬陵受延之之淺薄郭家駙馬
贈錦繡於李端蕭氏畫堂寫丹青于到溉非關公子定
愛才人從古青琴最憐同調我望山宮保仗節觀河折
拜訓子孝緯門內能詩者七十二人崔約書中手抄者
八千餘紙丹山氣厚雛鳳爭飛湘水波清叢蘭並茂一
招隱者三宿南牙恭逢雨林似村兩公子車蓋初傾網
馮並坐當恢台之孟夏均貴賤子條風珠蠟雙丸難分
甲乙玉森兩樹共倚蕭葭與祖約談次日如失眠之客
聽裴綽語終宵聞彈瑟之聲天士去而地士來世儒倦
而文儒繼寫長瑜之佳句則手界烏絲看太叔之彎弓

則箭穿楊葉可以測交可以樹善又豈止梨名飴坐酒
號蘭生極郎主之懽情夸雅遊之盛事也乎亡何鳧飛
緱氏鶴去遼城可憐縞紵之投惆悵河梁之別嗟乎鳥
猶擇木人貴知心祿祿毛生慕平原君之高義惜惜丁
牧事東平王而不歸僕豈忘情遽吟別賦哉所奈惟士
無田小人有母桃花源好非漁父之家庭桂樹山空乘
淮王之雞犬松風耳冷聽官鼓以驚喧蘿薜衣涼對簪
纓而覺野倘復棲運幕府眷戀龍門不為百里之侯轉
作將軍之客是失魯而以千社為臣辭卿而以萬鍾受
祿有乖出處無解筮傳是以唾井情深耕烟願切團雪
散雪歌申叔之離詞大山小山別何家之兄弟願言指

水深表僕心朱得銜泥長巢君屋繩牀一挂知來者之
人稀雲水千重恐夢中之路斷幸而紫羅香在雜佩聲
暫何處雪泥不印飛鴻之爪有時烏鵲能通銀漢之津
翠被鄂君歡難抗手黃衣慶忌呼可傳書明年漿水蓮
開尙想同舟于王子他日郎君官貴莫施行馬於門前

上台觀察書

救開夏后上三嬪而得九辨板板非上帝之心周官操
六計以馭羣才休休乃用人之道是以情在理光聖人
且以爲田矣瑜不瑕掩良工乃以觀玉矣枚赤紫濫磨
丙丁趨走深慮萊蕪不能關絲灼不能清悼毫不能仁
堯宗不能拔故前者三肅崇階五丙震動恐諸葛垂問
何祇之吏事不修曹公共談子揚之精神未歲不意明
公寬負子之責人飛耳之談怒枚剔黝歌耶抵觸金布
枚始而驚繼而喜驚者驚公于東方未明之時容光必
照喜者喜枚于國風好色之外餘罪無他不敢抵攔不
求道地但願陳其恫悻請一考之詩書昔李西平郡將

也而營妓自隨白太傅司馬也而商婦度曲頗踰規矩
難律官箴乃其人皆功在山河名香竹素枚自蒞官以
來未嘗一刻忘簡書不肯一言枉訊刺待至五花判畢
四郊雨甘乃敢彈箏酒歌倚裳月坐愛鄂君而流連翠
被賦洛神而惆悵鴻事有甚于畫眉盜非同于掩耳
蓋以為靖節開情何瑕白璧東山女妓卽是蒼生連狝
無傷小德出入可耳不圖閣內之悍妻見赦閨中之妬
妾包容而轉蒙大府搜牢長官狙伺嘻過矣夫采蘭贈
芍不見削于宣尼閉閣尊經翻自附于新莽余中請禁
探花而以賊敗傳元善言兒女而以直聞張翰有小史
之詩高風嶽峻盧杞無侍兒之奉醜迹風馳臬卿忠臣

徵求花粉輔國逆監靜學沙門古來君子之非賢于小
人之是布在方策僕指難陳枚所仰止高山恥居下流
者益有在矣然明公必以兩無相期一流見待謂破老
亦傷盛德蒼姪何以齋心則枚雖不迷復于此時亦必
味回于他日若徒鋪張命甲震耀風聞殆簡領而詞檢
私談床第以爲恫喝則蕭何律上不禁淫歌必于堂前
豈無琴瑟而况李元忠不以飲酒易僕射徐騎省肯以
歌曲換中書人孰無請上各有志黃鵠舉矣青天廓然
丈夫溺死何妨而拘游哉公幸毋以尋約之繩困奇佞
之士也

慰蔣用菴侍御失火書

公子來接手書知先生名山副墨已為六丁所收北闕
 巾車更為五酉所尼嗜其酷矣僕不獲執鐸將擬作公
 孫之侍又不能反風噴水表郭憲之心敬以殘客之厄
 言博達人之莞爾蓋聞火也者于水為妃無平不陂在
 夏為孝其危乃光是以梁燬浮圖武帝以為道高魔盛
 魯焚宣榭何休以為黜祀新周老物晉存燈常青而不
 滅霸圖吳就鏃雖赤以何妨王敬則捧紗帽以呼事須
 及熱韞安國對田甲而笑灰寧不然先生以霜後之松
 筠作焚餘之圭璧紅羊劫小白撰家空幸草雖存勞薪
 已盡未免蕭邱性冷炎上心孤然而浹日而遇七十二

毒者神農之嘗草也鑄財而燒三十六爐者冥司之職除也造化阨人必極之于既往相風測景當規乎其將元冥祝融時相為帝桃笙葵扇事豈有常子柎被賣于渠公乘車食肉墨子跌蹠于楚國錦衣吹笙海三頃于慕容之朝山一飛于身毒之國動將靜轉晦與明通肝鬩之機由來久矣而况火原號聖烟亦稱祥井絮郊天庭燎華國管氏被燿而作相備侯名燬以興邦豈非鼎彰調變之功離本文明之象哉先生內學七緯旁通三微千樹逞能五神開教情談而熒惑退舍鑄詞則蛟龍捧爐謝元之虔履安楡必教得所諸葛之藩籬亭障雅有精思子玉寶明時夸過菜楊惜袍袴都是內裁方

將耀山甫之將明展子培之穆行鞭咎駐蹕揖讓夔龍而乃眼熱牢盆東壁有餘光之乞鬣生禹筭西鄰非禴祭之時遂致木燧乍鑽而融風反逼紅霞未嚼而赤舌先燒象無齒以身焚魚在池而殃及二卵之罰嚴矣三錢之府閉矣海內憐之思舉旆以留賢士林惜之謀束緼以還婦誰知先生三世長者深知服食之方牛生玉門未領烟霞之樂一日脫鞵解繼蔭曷迎涼還桑梓若龍荒笑伊呂為筮庫三千太學請叔夜為師九萬巴菱待羲之染翰巡狩有典半皆應邵文章作奏雖工不署馬周名姓笙清簧煖撻絃愛火鳳之聲炎鳥蒸息享客鬪燔人之妙幾幾乎龍叔方寸日映皆空許有一瓢風

吹不動矣。天以爲阮瑤不出，當焚山以求之。張昭不朝，當燒門以脅之。與其元纁作聘，不如朱鳥催裝。與其國主持鞭，不若炎官張傘。于是司烜戒令，閔伯前驅。百戰將軍，煥然烈澤。黃車使者，爛其盈門。絳雲起而捲香畢，方飛而升屋。焚來諫草，都作赤章。取去易臆，將鐫碧落。寒山龍絕，爭彩筆之光芒。太乙青藜，搜庸成之册府。莽頭孔履，武庫存無虹。朝覲旌安公來否，必使焦土無立錐之地。而後文星還小，謫之天譬如度尚。焚營兵，裁前進耿純。燒舍戰乃成功，蓋沉檀非焚，則不香。鷹隼因驚而愈奮也。當此之時，先生無心炊，累裔邱出入煙中，抱德煬和姚光，高坐火上，亦曾憶及隨園燈宴紙醉金迷。

有个故人爲肩火色乎。所望收回餘燼，不諱熱中。煤卜楚焯，邛烘夏纒，法非東漢。罷官可入京師，壽祝南口高爵。應歌天保。

皇上聖恩似海燭，照常寬公。卿知己如麻，榻杆必助金。天作頌，非王融，其誰能玉牒。封山得相如，而輒賞將見。蒸出芝菌，收之桑榆。然石冷而重溫，蜀井窺而再燄。不必東場齊竈，西祀盤庚。而早見鐵柱，彈冠鳳池。還汝僕與先生心期，世載賦別三年，飲共燒蘭。痛分灼艾，乃趙作有風聞之信，謂李斯在逐客之中，不知僕雖禿，性之年不畏赤燂之怒。突薪易徙，冰蘭難焦。能與雞談，不嫌鷺傲。我以石季龍爲海隅鳥，彼尊王延壽如魯靈光射。

三發而皆遠許爲覲再舞而不及劉季亦猶沃焦山大
受海水以皆消螢火丸空當刀兵而悉度早服飛霜之
散何勞撤屋之防先生來書問季豹之生無念西施之
網未則又不知賜谷將沉趙無次種暉臺已暮莊不傳
薪妖烏空鳴伯姬呼而不至豔妻難煬祇廟禱而無徵
宵明燭光豈貧家之肯降頌陽晚照悵行樂之無期惟
有顏叔灰心稱貞締屋高車生女築臺配天而已至于
傳張翰之下金昌累椒鳴之迎境上則頗似熒臺搏影
丹穴尋聲處處庚冰人人元化由欽遲之念切致悶掄
之惑深也不然僕學幻有年隱形無術蘭陵非朝歌之
地何不同車稽呂雖千里之遙尚將命駕豈有麾左師
之短策過華臣之門而必奔撤三輔之長裾當季長之
室而不入者哉小舒結轡折此疏麻寫成父之賀書替
君解崇當陸渾之高咏一笑臨風

與楊蓉裳兄弟書

粲梁門子方深三年之思采采蘭畝頗有十行之奇想
足下昆季蒞枕圖史自成馨逸烟墨資其藁飮元儒養
其惠心起居康娛故多勝也承示咏懷錢塘金陵姑蘇
各二百韻伯歌季舞人據一邗銀湧金鳴光生五字鴻
文無範鳳德有朋盛矣哉關西華族其有河東薛氏之
風乎夫竅啓者窘于簡捷獵者奮于典醜暗者弱于氣
優息者殫于力多文爲富遂古惟艱而諸君極亭伯之
紛醜夸茂先之詳瞻鱗鱗雲起華嶽峯分郁郁香霏博
山鼎峙足使楚艷奪席漢後讓坐吳志削簡越絕廢書
雖滅旻數三十六國東王投千二百驍未能抗子良足

啓子然而寡者衆之所歸也約者博之所極也昭乘有
珠何必谷量牛馬啓關得鑰奚須冶弱鍾爐成王冠周
公使祝雍爲祝詞曰達而勿多也陸機云夸目者尙奢
恆心者貴當劉勰云富于萬篇貧于一字凡茲明訓祭
若列星良以言少則理顯詞費則耳聒濶幅裁衣何如
擇布而割雙雞供餅不若取洎以餐白類書成于皇覽
而三都兩京鮮傳抄矣風土記于孝侯而郡志方言成
旒贅矣漢廷徐樂只載一書晉掾阮咸僅傳三語君子
多乎哉不多也諸君抱竹素之繁富關垣篋之唱于當
稚齒之英時對惠山之平參故宜棄膚抉髓歛志詣微
孤寫神峯窮道岸不必旆晉郊以示衆誦秦碑而夸
博也願鄧將軍捐棄故技更受要道僕亦竊比于子桓
焉且夫擲米成丹是麻姑少年之戲指心爲師乃遵明
老來之悟才惟放也而後收之枯氣惟雄也而後攝
之愈密能取淡于濃則清泉皆沉瀦矣果得平于險則
拳石亦華高矣諸君研閱不休必悔少作縱橫旣倦定
入康衢譬如芬芳滿林賞心者不過一枝之秀元黃錯
采適體者乃在半襲之服謝艾雖繁詞不可受王濟雖
畧人不能益此則學海之回瀾文心之進境也已傳不
云乎龍生九子應龍好飛鳴吻好望今飛者健士望者
老夫企予之私聊寄一笑二三君子試味我言

